

廿一史彈詞注

一
函
八
冊



廿一史彈詞註卷之五

成都楊

慎用修編著

漢陽張三異禹木增定

男仲璜別麓註

曾孫任佐較刊

第五段

說南北史

清平樂

閒行閒坐不必爭人我百歲光陰彈指過成得甚麼功
果入昨日羯鼓催花今朝疎柳啼鴉王謝堂前燕子不
知飛入誰家今詩曰

燕子來時春雪消幾家留得舊窩巢風流王謝無蹤

跡剩水殘山似六朝

剩水殘山古又今達時人物此登臨詩陰杜牧孤鴻

句淚落雍門一操琴老去深藏經濟手病來灰却戰
爭心殘篇話到興亡處閒悶閒愁海樣深

詠月吟風詩罷講談今道古話重論花花草草春如
舊古古今今事不倫昨日紅顏今日老前人事業後

人評冰絃橫寫宮商調話本敷宣錦繡文不用新詞

誇粉黛全將典故說豪英話傳史記中間事論采儒

官筆下文躍馬橫鎗誇猛將鋪謀定策羨文人文添

秀士經綸志武助英雄戰鬪心寶劒重磨光射斗金

鐘再撞響穿雲知音君子休心困再聽新文接舊文

詞分兩項事有別端昨來說到三國鼎分話兼兩晉今

日整理六朝人物直至隋文東晉末

按此當作隋文末
周末東晉二字

誤

劉宋者劉裕篡了司馬氏是為宋高祖永初三年在傳

廢主營陽王景平一年在

文帝元嘉三十年在

孝武帝孝建大明十一年

前廢主子業景初一年在

明帝泰始泰豫六年

後廢主昱元徽五年在

順帝昇平三年在

凡八主六十年蕭道成篡之

蕭齊者蕭道成是為齊太祖建元四年在傳

武帝永明十一年在

鬱林王隆昌六月在

海陵王延興六月在

明帝建武永泰五年

東昏侯永光二年在

和帝中興一年在凡七主共

二十四年蕭衍篡之

蕭梁者蕭衍是為梁武帝

天監

大通

中大

太清

在位四

十八年

傳

簡文帝

大寶

在

元帝

承聖

在

敬帝

紹泰

在

凡四主共五十六年陳霸先篡之

陳陳者陳霸先是為陳武帝

永定

在傳之

文帝

天嘉

在

天康

臨海王

光大

在

宣帝

大建

在

後主

至德

禎明

凡五主

共三十三年

蕭譽者借兵西魏殺叔元帝稱帝江陵名後梁

大定

在位七

年傳

歸

天保

在位

琮

廣運

在

凡三主共三

十三年被隋廢國除

末齊梁陳謂之南朝皆在金陵建都那時元魏拓拔氏
自稱皇帝謂之北朝同天共日後高齊宇文周接連在
北按元魏之初三國曹璜景元二年有匈奴索頭沙獞
汗入貢至晉武帝咸寧九年復來入貢衛瓘表奏留在
并州後世子孫拓拔珪稱帝建號魏國是為五胡後北
朝之始

北朝魏太祖者姓拓拔名珪號稱道武皇帝天興賜稱帝
十二年傳之年

明元

永興

神瑞

泰

在位十一年

太武

始光

神麤

延和

太延

太平

真君

文成

興安

興光

太安

十八年

在位二年

在位十四年

獻文

天安 皇興
在位五年

孝文

延興 承明 太和
在位二十九年

宣武帝

景明 正始 永平
在位十六年

孝明

熙平 神龜 正光 孝
在位十三年

子釗

孝莊

永安
在位三年

敬帝

建明
在位一年

節閔

普泰
在位一年

中興王

中興
在位一年

孝武

永熙
在位三年

靜帝

天平 元象 興和
在位十七年

文帝

大統 武定
在位十六年

廢帝

在位二年

恭帝

凡一十七主共一百六十年

孝武時丞相高歡奉靜帝遷居鄴都是為東魏丞相字

文泰奉文帝遷都長安是為西魏傳廢帝恭帝後來高

歡之子高洋奪了東魏是為北齊宇文泰之子宇文

奪了西魏是為後周

北齊者始高洋篡東魏僭號文宣帝

天寶十年在傳

廢帝

乾明元年

在位一年

孝昭

皇建元年

在位一年

武成

太寧四年

後主

天統元年

武平隆化在位十二年

五主共二十八年為周武帝所滅

後周者始宇文覺篡西魏僭號孝閔帝

在位一年

傳之

明帝

武成四年

在位

武帝

保定元年

天和建德在位十七年

滅了高齊再傳

宣帝

宣政二年

在位

靜帝

大象二年

在位

共十六年被靜帝外公楊堅篡奪外甥之位滅了周朝南併陳後主天下方纔一統南北兩朝共計一百七十

三年中間五胡亂華有五涼四燕三秦二趙一夏一蜀
共十六國迭興迭滅於晉魏之間未及細論且將南史
北史流傳世代興亡治亂因繇略加品題以奉知音
東晉主北朝強江南寡弱

義熙年桓元反國勢伶仃

桓元反於晉安帝元興元年至二年元廢安帝而自
立三年元誅帝復位始改元義熙國運斷而復續者
又十六年

劉寄奴起義兵祛除逆黨

劉裕彭城人勇健有大志嘗伐荻新洲見大蛇長數
丈射之聞杵臼聲見青衣童子數人於榛中搗藥問
故曰我王爲劉寄奴所射合散傳之裕曰王神何不
殺之曰劉寄奴王者不死叱之皆散起義祛逆討是

第四卷晉安帝亂荒荒
句下 劉裕小字寄奴

生擒著數天子北戰南征

裕始滅楚帝桓元繼擒南燕主慕容超南梟盧循西殄蜀主譙縱北降秦主姚泓後子業入太廟指高祖像曰渠大英雄生擒數天子

專廢立總百官志方曹操

裕廢安帝立恭帝自封宋公總百揆崔浩謂魏主曰劉裕之平禍亂司馬德宗之曹操也

老奸雄無對手二十餘春

裕奮起寒微不階尺土所向無前裕自討孫恩爲參軍至即位凡用兵二十一年

敦孝道謹威儀清心寡欲

裕事蕭太后素謹及即位春秋已高每旦入朝未嘗失時刻又嚴整有法度清簡寡欲財帛皆在外府內無私藏

簡嬉遊甘衣素不置妃嬪

裕遊宴甚稀被服居處儉於布素嬪御至少嘗得後秦高祖從女有寵謝晦微諫即時遣出

禁奢侈却禎祥身兼八行

寧州有獻琥珀枕者裕以琥珀可治金鎗碎之以賜將士嶺南獻入筒細布一端八丈裕惡其精麗勞人還之並制嶺南禁作此布內外奉禁莫敢為奢靡性不信奇怪微時多符瑞及貴史官審以所聞拒而不答胡致堂曰宋高祖孝於後母為其盛德而嚴正有度清簡寡欲被服布衣遊宴稀嬪御少不蓄私藏及戒母后不得預政此八者皆人君之要行也宜其徒步提劍終取符璽也哉嶺南謂五嶺之南

占龍牀一二載稱了平生

裕篡晉即位是為宋高祖三年而殂

所可恨儘不肖兩番弑主

裕先使王韶之以散衣縊晉安帝於東堂後又使諸淡之以被掩殺晉廢主零陵王於秣陵

不仁心天鑒察自有支分

胡致堂曰劉裕屢行弑逆取國如此而欲子孫永享是以天為茫昧也朱氏曰宋高帝弑二君以竊大位亦猶晉魏之故智也至以欣然遜位之恭帝不使如山陽陳留之令終忍為禪代者作俑亦不其甚矣故八主五十九年竟至族滅良有以也

臨顧命戒當朝無煩母后

高祖疾甚召徐羨之傅亮謝晦檀道濟同被顧命曰後世若有幼主朝事一委宰相母后不煩臨朝謝晦字宣明

營陽王親長子寸善無聞

高祖殂長子義符即位後被廢為營陽王在位一年修池築觀朝成暮毀好為無道營陽宋郡名今永州

廢喪禮拒忠言褻狎左右

王居喪無禮拒諫不聽好與左右狎戲鞭朴無辜以為笑樂

徐羨之行廢弑文帝稱尊

司空徐羨之以義符不德欲廢之乃召檀道濟及江州刺史王宏入朝以謀告之謝晦聚將士於府內使中書舍人邢安泰潘盛為內應時義符出於華林園為列肆親自沽賣與左右即龍舟而寢道濟引兵入雲龍門安泰等先誡宿衛毋禦軍士進扶義符出收璽綬稱皇太后令數義符過惡廢為營陽遷於吳使安泰就弑之義符多力突走出閭門追者以門闕踣而弑之傅亮帥行臺百官迎宜都王義隆於江陵入承大統是為太祖文帝即位後下詔暴羨之亮晦罪命中領軍到彥之征北將軍檀道濟以時收剪羨之走至新林自經死亮出走被執伏誅謝晦時出為荊州刺史帝自將討晦誅之元縣治東北五里臺城內吳今蘇州宜都縣名屬荊州府華林園在江寧府上

宋文帝享長年康寧治理

文帝名義隆高祖第五子帝仁厚恭儉勤於為政守法而不峻容物而不弛三十年間四境之內晏安無事戶口蕃息講誦相聞士敦操尚鄉恥輕薄江左風俗於斯為美後之言政治者元嘉稱最

挑強敵勤遠略白面書生

文帝發經略中原羣臣爭獻策以迎合取寵彭城太守王元謨尤好進言文帝謂侍臣曰觀元謨所陳令人有封狼居胥意乃大舉伐魏校尉沈慶之曰我步彼騎其勢不敵今元謨等未踰兩將六軍不過往時恐重辱王師帝使徐湛之等難之慶之曰陛下欲伐國而與白面書生輩謀事何由濟帝不聽狼居胥匈奴中山名漢武帝時霍去病出右北平二千餘里絕大漠封狼居胥禪於姑衍而還

羊禦狼空歎息縱橫胡馬

王元謨等伐魏魏兵號百萬元謨懼退文帝王引兵南下進次瓜步聲言欲渡江建康震懼文帝登石城有憂色歎息曰檀道濟若在豈使胡馬至此初叅軍周朗疏言今人知不以羊禦狼蟹捕鼠而令重車弱卒與肥臯悍胡相逐其不能濟宜矣漢武帝輪臺之詔曰匈奴常言漢雖大然不耐飢渴失一狼走千羊蓋匈奴以狼自喻以羊喻漢也

聽讒言殺道濟自壞長城

初司空檀道濟立功前朝威名甚重左右心腹並經
百戰諸子又有才氣朝廷疑畏之文帝久疾未愈領
軍將軍劉湛說司徒義康以為宮車一日晏駕道濟
不可復制義康請召道濟入朝既至留累月會文帝
疾動義康下詔稱道濟因朕寢疾規肆禍心收付廷
尉并其子植等十一人誅之道濟見收憤怒目光如
炬脫憤投地曰乃壞汝萬里長城魏人
聞之喜曰道濟死吳子輩不足復憚

輕戰伐禍生靈燕巢林木

魏人攻宋南兗徐兗豫青冀六州皆破之殺掠不可
勝計丁壯者即加斬截嬰兒貫於槩上盤舞以為戲
所過郡縣赤地無餘春燕歸巢於林木邑里蕭條文
帝謂江湛曰北伐之計同議者少今士民勞怨予之
過也南兗宋州名今揚州府豫州
名即今開封府陳州徐今江南徐州

兇兒報因巫蠱手刃其親

吳興巫嚴道育自言能使鬼物因東陽公主婢王
鸚鵡出入主家主與太子邵及潘淑妃所生始興王
濟俱信惑之邵濬多過失數為帝所詰責遂與道育
鸚鵡及主奴陳天與黃門陳慶國共為巫蠱琢王為

宋孝武誅逆邵新亭即位

文帝像埋於含章殿前鸚鵡先與天與通恐事泄白邵密殺之慶國懼曰巫蠱事惟我與天與宣傳往來今天與死我危矣乃白帝即收鸚鵡並搜得邵濬所埋玉人道育亡命不獲邵濬懼謝帝意欲廢之更立太子南平王鐔妃江湛之妹隨王誕妃徐湛之之女湛欲立鐔湛之勸立誕議久不決帝與湛之屏人語或連日累夕既而以其謀告潘淑妃妃以告濬濬馳報邵邵乃謀為逆詐為詔云有所討次日宮門未開邵以朱衣加戎服上乘畫輪車而入舊制東宮隊不得入城邵以偽詔示門衛曰受敕有所收討馳入齋閣拔刃徑上合殿文帝其夜與湛之語至旦燭猶未滅見邵入舉几捍之五指皆落遂被弑湛之亦被殺吳興今湖州府含章殿在江寧府上元縣治東北五里臺城內即壽陽公主人日臥簷下梅花點額處宋武更造正元玉燭紫極諸殿內有含章殿合殿在紫宸殿北杜莆紫宸退朝口號香飄合殿春風轉南平今安鄉縣屬岳州府隴州名屬德安府

武帝名駿文帝第三子初為江州刺史邵行弑遽即位下詔曰徐湛之江湛弑逆無狀吾勒兵入殿已無

所及今罪人斯得可大赦改元太初密與沈慶之手
書令弒駿慶之以書示駿因謀舉兵討邵以慶之領
府司馬柳元景為參佐元景潛至新亭依山為壘邵
使蕭斌等統兵來攻元景開壘鼓噪乘之邵衆大潰
駿遂即位於新亭是為孝武帝斌自石頭來降斬之
遂克臺城邵入武庫井中隊副高禽執之斬邵及四
子於牙下新亭在江寧府城南一十五里俯近江
渚臺城在江寧上元縣治東北五里本吳後苑城即
晉建康宮城也

義宣反竟陵反內醜難聞

孝武汪南郡王義宣諸女義宣恨怒江州刺史臧質
等遂與義宣定謀舉兵反孝武以王元謨討之義宣
至潯陽以質為前鋒水陸俱下元謨督諸軍大戰薛
安都帥突騎衝陣陷之質等大敗垣護之燒江中舟
艦延及西岸營壘殆盡諸軍乘勢攻之義宣兵潰質
逃於南湖追斬之義宣走江陵荊州刺史朱修之入
斬之初誅邵平義宣竟陵王誕皆有太功孝武畏忌
之不欲誕居中以為南充州刺史徙鎮廣陵誕遂於
廣陵反詔沈慶之討之誕閉門自守奉表投城外數
孝武罪惡曰陛下宮闈之醜豈可三緘孝武太怒慮